

RENAULT CLIO RS GORDINI

Clio RS Gordini e hlhisitswe ke ba ha Renault femeng ya makoloi ya Alpine mane Fora mathwasong a selemo sena mme ya fihla kwano ka Motsheanong. Koloi ena e fihlile ka mora Twingo RS Gordini, e fihlileng ya kgahlisa haholo Afrika Borwa ngwahola. E nngwe ya koloi tse pele tsa *hatchback*, Clio RS Gordini e thabisa le hona ho natefela ba mabelo le setjhaba ka kakaretso.

MATLA: Mofuta ona o motjha wa Gordini o na le tsohle tse ntjha tseo ba ha Renault Sport Technologies ba di kentseng ho Clio RS (enjine e ntse e tshwana le ya Clio RS ya pele, e leng 2.0-litre straight-4 petrol engine) e leng se bontshang hore Gordini e lebelo. Ho bolelwa ha Clio Renault Sport e kganneha ha monate mme le ena e ntjha ha e na phapang.

